

UNIVERZITET U TUZLI
MEDICINSKI FAKULTET U TUZLI
Broj: 02/7-5254-3.1/18
U Tuzli, 28.09.2018. godine

KANDIDATIMA ZA UPIS NA II CIKLUS
ODSJEKA ZDRAVSTVENIH STUDIJA
U AKADEMSKOJ 2018/2019. GODINI

Kandidati koji su, na osnovu Konačne rang-liste od 27.09.2018. godine ostvarili pravo na upis na neki od studijskih programa II ciklusa Odsjeka zdravstvenih studija Medicinskog fakulteta Univerziteta u Tuzli u akademskoj 2018/2019. godini imaju pravo i obavezu upisati se na Fakultet najkasnije do 05.10.2018. godine.

Upisni material kandidati mogu kupiti u Univerzitetskoj knjižari. Uz upisni material kandidati su dužni dostaviti dokaz o uplati školarine u visini od 2.400,00 KM s tim što istu mogu platiti u dvije jednake rate, tj. prilikom upisa zimskog i prilikom upisa ljetnog semestra.

Uplate se vrše opštom uplatnicom sa slijedećim podacima:

- Općina: 094
- Budžtska organizacija: 2404001
- Račun primatelja: 1321000256000080
- Poziv na broj: 7035000000.

Odmah nakon upisa student će sa Univerzitetom u Tuzli zaključiti ugovor o studiranju, čiji se sadržaj nalazi na Oglasnoj ploči Fakulteta.

DEKAN

Dr.sc. Selmira Brkić, red.prof.

U skladu sa članom 100. Zakona o visokom obrazovanju („Sl. novine TK“, broj: 7/16, 10/16, 5/17 i 15/17) i članom 180. stav (3) Statuta Univerziteta u Tuzli

1. **UNIVERZITET U TUZLI**, sa sjedištem u Tuzli, ul. Dr. Tihomila Markovića br.1, zastupan po rektorici Dr.sc. Nermini Hadžigrahić, red. prof. (dalje: Univerzitet) i

2. _____
(prezime, ime oca i ime studenta)

sa prebivalištem u _____ ul. _____
br. _____, tel. _____ (u daljem tekstu: Student) upisan na **studijski program/usmjerenje**
_____, na _____ fakultet, u **prvu godinu jednogodišnjeg drugog ciklusa studija**, u statusu **redovnog studenta koji se sam finansira** zaključuju:

UGOVOR O STUDIRANJU

I Predmet ugovora

Član 1.

Ovim ugovorom uređuju se međusobna prava i obaveze između Univerziteta i studenta u akademskoj 2018/2019. godini.

II. Prava i obaveze studenta

Član 2.

Student ima prava utvrđena zakonom i općim aktima Univerziteta, a naročito pravo:

- a) na kvalitetno školovanje i objektivno ocjenjivanje,
- b) na konsultacije i drugi oblik komunikacije s nastavnicima i saradnicima u nastavi,
- c) prisustvovanje svim predavanjima, vježbama i drugim oblicima nastave organizovanim u okviru njihovih predmeta u skladu sa njihovim statusom,
- d) izjašnjenje o kvaliteti nastave i kvalitetu rada nastavnika,
- e) prigovora u slučaju povrede studentskih prava utvrđenih zakonom, Statutom ili drugim općim aktom Univerziteta i ovim ugovorom,
- f) na blagovremeno i tačno informisanje o svim pitanjima koja se odnose na studije,
- g) na studentsko organizovanje i izražavanje vlastitog mišljenja,
- h) na ravnopravnost u pogledu uslova studija i tretmana na Univerzitetu, kao i na povlastice koje nosi status studenta,
- i) na različitost i zaštitu od diskriminacije,
- j) da može pred nadležnim sudom osporavati sve konačne odluke Univerziteta koje se na njega odnose.

Član 3.

Student ima obaveze utvrđene zakonom i općim aktima Univerziteta, a naročito:

- a) pridržavati se pravila koje je propisao Univerzitet,
- b) ispunjavati nastavne i druge obaveze studenta, u skladu sa zakonom, Statutom i drugim općim aktima Univerziteta, te upisanim studijskim programom,
- c) ovjeriti semestar i studijsku godinu,
- d) ukazivati dužno poštovanje prema pravima osoblja Univerziteta, studenata i drugih lica na Univerzitetu,
- e) ukazivati dužnu i punu pažnju svom studiju i učestvovati u akademskim aktivnostima,

- f) čuvati imovinu Univerziteta, te odgovara za štetu koju namjerno ili iz krajnje nepažnje prouzrokuje Univerzitetu, uz obavezu da istu nadoknadi u skladu sa važećim propisima,
- g) izvršiti plaćanje punog iznosa participacije i premije osiguranja u iznosu, na način i u rokovima utvrđenim ovim ugovorom, kao i druge obaveze utvrđene zakonom, Statutom i drugim opštim aktima Univerziteta,
- h) ponašati se na način kojim neće diskreditirati Univerzitet,
- i) prijaviti svaku promjenu prebivališta/boravišta kao i kontakt telefon studentskoj službi fakulteta.

III. Prava i obaveze Univerziteta

Član 4.

- (1) Univerzitet je dužan organizovati predavanja, polaganje ispita i drugih oblika nastave u skladu sa Zakonom o visokom obrazovanju TK, opštim aktima Univerziteta i studijskim programom .
- (2) Univerzitet je dužan na odgovarajući način pružiti informaciju studentu o načinu, vremenu i mjestu održavanja nastave, ciljevima, metodama i sadržajima nastave, o sadržajima, metodama, kriterijima i mjerilima ispitivanja, o načinu osiguranja javnosti na ispitu i načinu uvida u rezultate, kao i o drugim pitanjima od značaja za studente.
- (3) Univerzitet ima pravo da od studenta naplati puni iznos participacije u troškovima studija utvrđene ovim ugovorom, kao i druga prava u skladu sa zakonom, Statutom i drugim opštim aktima Univerziteta.

IV. Školarina i drugi troškovi studiranja

Član 5.

- (1) Student je obavezan, putem virmanske uplatnice uplatiti na račun Univerziteta školarinu u troškovima studija za tekuću akademsku godinu u iznosu od **2.400,00 KM**, a koju može platiti u dvije rate od po **1.200,00 KM** i to prilikom upisa u zimski i ljetni semestar, o čemu je dužan pružiti dokaz studentskoj službi fakulteta.
- (2) Student je u obavezi prilikom upisa u zimski semestar uplatiti na račun Univerziteta, putem virmanske uplatnice, **premiju osiguranja za akademsku godinu, u iznosu od 4,00 KM, za slučaj nesreće u prostorijama Univerziteta.**
- (3) U slučaju da student ne izmiri obaveze iz stava (1) ovog člana ne može ostvarivati prava odnosno izvršavati obaveze iz studija u narednoj akademskoj godini.
- (4) Ukoliko se student u toku trajanja semestra ispiše sa fakulteta, Univerzitet zadržava iznos do tada uplaćenih sredstava.

V. Prestanak statusa studenta

Član 6.

Status redovnog studenta prestaje:

- a) ispisom sa fakulteta,
- b) isključenjem sa fakulteta Univerziteta po postupku i uz uslove utvrđene zakonom, Statutom ili drugim općim aktom Univerziteta,
- c) ako mu se izrekne disciplinska mjera prestanka statusa redovnog studenta, u postupku utvrđenom općim aktom Univerziteta,
- d) ne ovjeri semestar i studijsku godinu,
- e) u drugim slučajevima propisanim zakonom, Statutom i opštim aktima Univerziteta.

VI. Završne odredbe

Član 7.

Na sva pitanja koja nisu regulisana ovim ugovorom primjenjivat će se odredbe zakona, podzakonskih propisa i općih akata Univerziteta.

Član 8.

Ugovorne strane mogu aneksom ovog ugovora dogovoriti izmjene i dopune ovog ugovora, u skladu sa zakonom i opštim aktima Univerziteta.

Član 9.

Sve eventualne sporove po ovom ugovoru, ugovorne strane će rješavati sporazumno, a za slučaj da to ne bude moguće, obje ugovorne strane priznaju nadležnost Općinskog suda u Tuzli.

Član 10.

Ugovor stupa na snagu danom potpisivanja, a teče od 01.10.2018. godine.

Član 11.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

Student

Za Univerzitet, po punomoći
DEKAN

(ime i prezime)

(ime i prezime)

Broj: _____

U Tuzli, _____ godine.